



Sarajevo, 14.08.2026. godine

Broj: 06-06-2-954-2/26

Vanjskotrgovinska/Spoljnotrgovinska komora Bosne i Hercegovine (VTK/STK BiH) u saradnji sa regionalnim centrom „RICO TRAINING CENTRE” organizira i ovim putem poziva zainteresirane predstavnike poslovne zajednice na seminar:

Procedura kontrole komercijalnih vozila u skladu sa Zakonom o radnom vremenu, obaveznim odmorima mobilnih radnika i uređajima za evidentiranje u cestovnom prijevozu BiH, i novine u propisima EU

KAKO DA PLANIRATE RADNO VRIJEME I ODMORE VOZAČA U SKLADU SA ZAKONOM BIH?

koji će se održati u:

- Sarajevu, 08.09.2026. godine
- Banjoj Luci, 09.09.2026. godine
- Mostaru, 17.09.2026. godine
- Tuzli, 25.09.2026. godine
- Tešnju, 29.09.2026. godine

Prijavljeni kandidati će blagovremeno biti obaviješteni o tačnoj lokaciji održavanja obuke u svim navedenim gradovima.

Ukoliko ste vlasnik transportne kompanije ili upravljate voznim parkom komercijalnih vozila opremljenih tahografima, svakodnevno se susrećete sa brojnim obavezama i izazovima u primjeni zakonskih propisa, da li ste sigurni da imate odgovore na sljedeća pitanja?

- Koju dokumentaciju i koje podatke ste dužni da predočite kontrolnim organima prilikom kontrole na putu ili u sjedištu kompanije, u skladu sa Zakonom o radnom vremenu, obaveznim odmorima mobilnih radnika i uređajima za evidentiranje u cestovnom prijevozu BiH?
- Da li podatke sa tahografa i kartica vozača preuzimate u zakonom propisanim rokovima?
- Da li za prekršaje vozača saznajete tek nakon izricanja kazne ili dolaska inspekcijuskog nadzora?
- Koliko vremena i resursa vaši zaposleni izdvajaju za ručnu obradu tahografskih podataka, izradu izvještaja o prekršajima i vođenje evidencije radnog vremena vozača?
- Na koji način možete unaprijediti usklađenost poslovanja sa zakonskim propisima i smanjiti rizik od prekršaja i finansijskih sankcija?





Cilj seminara

Cilj seminara je da učesnicima pruži praktična znanja o pravilnoj primeni Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu Bosne i Hercegovine, kao i da ih upozna sa procedurama koje primjenjuju kontrolni organi prilikom nadzora na putu i u sjedištu kompanije. Poseban akcenat bit će stavljen na obaveze poslodavaca u vezi sa preuzimanjem i čuvanjem podataka sa tahografa i kartica vozača, upravljanjem radnim vremenom vozača, analizom prekršaja i usklađivanjem poslovanja sa važećim propisima BiH i aktuelnim izmjenama zakonodavstva Evropske unije, kao što je uvođenje tahografa u laka teretna vozila u EU.

Ciljne grupe

Seminar je namijenjen:

- vlasnicima i direktorima transportnih kompanija;
- kompanijama koje u svom voznom parku posjeduju komercijalna vozila opremljena analognim ili digitalnim tahografima;
- rukovodiocima transporta i voznog parka;
- dispečerima transporta;
- osobama odgovornim za usklađenost poslovanja sa propisima;
- osobama zaduženim za obradu tahografskih podataka i evidenciju radnog vremena vozača;
- stručnim saradnicima za sigurnost saobraćaja i transport;
- svim zainteresiranim privrednim subjektima koji žele da unaprijede upravljanje voznim parkom i smanje rizik od prekršajnih sankcija.

Ishodi seminara

Po završetku seminara učesnici će:

- steći jasniji uvid u obaveze prijevoznika i vozača propisane Zakonom o radnom vremenu, obaveznim odmorima mobilnih radnika i uređajima za evidentiranje u cestovnom prijevozu BiH;
- upoznati se sa procedurama koje kontrolni organi primjenjuju prilikom kontrole komercijalnih vozila na putu i u sjedištu kompanije;
- razumjeti koje podatke i dokumentaciju je neophodno osigurati i predložiti tokom kontrole;
- upoznati se sa pravilnim načinom preuzimanja, čuvanja i obrade podataka sa tahografa i kartica vozača;
- steći uvid u najčešće nepravilnosti i prekršaje koji se utvrđuju prilikom kontrola, kao i načine njihovog sprečavanja;
- upoznati se sa principima organizacije radnog vremena i odmora vozača u skladu sa važećim propisima BiH i EU;
- informirati se o najnovijim izmjenama propisa Evropske unije koje se odnose na tahografe i međunarodni cestovni prijevoz;
- upoznati mogućnosti primjene savremenih softverskih rješenja za analizu tahografskih podataka i unapređenje usklađenosti poslovanja sa zakonskim zahtjevima.



Predavači

Predavači na seminaru su:

- stručnjaci regionalnog centra "RICO TRAINING CENTRE", sa više od dvadeset godina iskustva u oblasti transportnog zakonodavstva, tahografa, radnog vremena vozača i edukacije privrednih subjekata i državnih institucija, i primjene softverskih rješenja za analizu tahografskih podataka i upravljanje usklađenošću poslovanja transportnih kompanija,
- predstavnici kontrolnih organa Bosne i Hercegovine (u skladu sa potvrđenim učešćem), koji će predstaviti praktična iskustva iz provođenja kontrola i najčešće uočene nepravilnosti.

Prijava učešća

Prijava učešća vrši se popunjavanjem [online prijavnog obrasca](#).

Krajnji rok za popunjavanje prijave:

- za obuku u Sarajevu i Banjoj Luci: do 03.09.2026. godine do 16.00 sati;
- za obuku u Mostaru: do 14.09.2026. godine do 16.00 sati;
- za obuku u Tuzli: do 22.09.2026. godine do 16.00 sati;
- za obuku u Tešnju: do 24.09.2026. godine do 16.00 sati.

Kotizacija za učešće

Kotizacija za učešće na seminaru iznosi 234,00 KM (cijena s PDV-om), a u cijenu je uključeno:

- predavanje,
- osvježenje na pauzama,
- potvrda o učešću.

Svim prijavljenim kandidatima bit će blagovremeno dostavljen predračun za uplatu kotizacije.

Kontakt za informacije

Za više informacija o seminaru možete nam se obratiti upitom na email adresu edukacija@komorabih.ba ili pozivom na brojeve telefona 033/566-204 i 033/566-200.



PROGRAM SEMINARA

Procedura kontrole komercijalnih vozila u skladu sa Zakonom o radnom vremenu, obaveznim odmorima mobilnih radnika i uređajima za evidentiranje u cestovnom prijevozu BiH, i novine u propisima EU
KAKO DA PLANIRATE RADNO VRIJEME I ODMORE VOZAČA U SKLADU SA ZAKONOM BIH?

- Sarajevo, 08.09.2026. godine
- Banja Luka, 09.09.2026. godine
- Mostar, 17.09.2026. godine
- Tuzla, 25.09.2026. godine
- Tešanj, 29.09.2026. godine

SATNICA	TEME SEMINARA
10:30 – 11:00	Registracija učesnika
11:00 – 11:15	Uvodno obraćanje
11:15 – 12:15	Zakon o radnom vremenu, obaveznim odmorima mobilnih radnika i uređajima za evidentiranje u cestovnom prijevozu BiH
12:15 – 12:45	Pauza za kafu/osvježenje
12:45 – 13:30	Procedura kontrole komercijalnih vozila od strane kontrolnih organa u BiH na putu/u sjedištu kompanije • Primjeri iz prakse
13:30 – 14:15	Oprema – “Tachospeed Expert” softver za obradu i analizu podataka sa tahografa • Softversko rješenje za vođenje evidencije radnog vremena mobilnih radnika u skladu sa Direktivom 2002/15/EC, AETR sporazumom i Zakonom BiH
14:15 – 15:00	Pauza za kafu/osvježenje
15:00 – 15:30	Novine u propisima EU • Uvođenje tahografa u laka teretna vozila u EU
15:30 – 16:00	Pitanja učesnika na seminaru iz prakse prilikom kontrola ▪ Diskusija